

P V I S

1 6 1 8

XCIIIX.
EPITHALAMIA

à

IOANNE CRAMERO, I. V. D. & P. L.

IN HONOREM NUPTIARUM

Clarissimi & consultissimi Viri,

DN. CYRIACI HER-

DESIANI, I. V. D. IN AVLA SER-

bestanâ consilarii, ibidemq; in illustri

Brabeuterio iurium Antistitis, SPONSI,

NEC NON

Lectissimæ, Pudicissimæ, atq; Piæ Virginis,

M A R T H Æ,

Dn. Martini Coleri J. C. celeberrimi p. m.

relictæ filiæ,

Dn. Matthæi Vesenbecii J. C. excellen-

tissimi ex filiâ neptis, SPONSÆ,

Serbestæ XXII. April. Anno 1616. celebratarum,

Ad significandam fraternitatem & amicitiam suam

sinceram, quam ipse cum Dn. Sponso primùm in hoc illustri Sora-

borum Gymnasio contraxit, postea in antiquissimâ & celeberrimâ

Haidelbergensium Academiâ quotidianâ conversatione seriò con-

firmavit, & tandem hîc Serbestæ, cum uterq; ex Italiâ, Galliâ, Portu-

galliâ, Hispaniâ, Angliâ, Hollandiâ, Zeelandiâ, Flandriâ, Brabantiâ,

&c. summis laboribus cum vario vitæ discrimine per mare per terras

exhaustis, singulari Dei favore & clementiâ, non sine laude in patri-

am ad suos salvus & incolumis reversus fuisset, in omnem
æternitatem duraturam animitùs renovavit,

Bonæ scævæ ergò scripta.

Ex officinâ Zachariæ Dörfferi, ANNO

CeDIt aMor rebVs, res age tVtVs ages.

MDCXVI



EPITHALAMIA

IOHANNIS GRAMMERO V.D. & P.L.
IN HONOREM NUPTIARUM



SPONSUS AD SPONSAM.

MARTHA mei cordis pars maxima, carior auro,
Argentoq; , meum tu pete sola torum.
Tu mihi sola places, reliquas non curo **SVPERBAS,**
Tu pia, tu casta es, tu mihi sola places,
Sola places, sola placuisti, sola placebis,
Solaq; tristitiæ dulce levamen eris.



EX OFFICINA XABRIANÆ ANNO





SONETTO ITALIANO

Al

Multo Illustre e chiarissimo Signore Spo-
so', fratello & amico suo bonissimo.

STà notte nel tuo letto, Signor mio,
Sarà teco vergine di gran fama,
Che basciare strettamente con brama,
Et amare di cuore comanda Iddio.
Per la qual cosa guardi bene, dic' io,
D'ogni hora, lei per certo venerà, e lama
D'oro e d'argento porterà senza trama.
Ecco! sta fuori, e batte, aprite l'uscio.
Questa alla tua buona gratia bella
Se raccomanda coraggiosamente,
Al tuo piacere, come Donzella
Bisogna, sodisfarà honestamente.
Però abbracci la pudica agnella,
E sempre ami la grandissimamente.

A 2

Idem



Idem ad placitum Antiquariorum Latinè redditum.

Hoc noctis, Herdesiane mellitissime,
Lectus tui escit puer a famigerabilis
Consort, lacertis quam expapillatis DEUS
Te amplecti, & auscularier volt valgiter.

Omni ergo vigilantissimus sis momine,
Et prestola, à vespèrnâ eapse extempulò,
Haut immemoris, fulgida egregiissimâ
Calanticâ, encombomatisq; bellulis
Ad te venibit. Eccere! batuit ostium
Socienna corgò eapse, portam aperi oxymè.

Dapaticè hæc endogrediens, medullitus
Tuam expetes sit gratiam, superrimum
Hoc virgo luci, dum voluntatem tuam
Cupienter explet; nec, maritas ut decet
Emancupatas, pitpit abdicat tibi.

Oculissimam ergo nullus hanc expectora,
Sed cole, favitor ut bonus, & etatèm cale.

ALI-



A L I U D.

O Quàm digna tuum, HERDESIANE, puella
salutat,

Quâ cum faustus inis foedera sancta, torum!
Ipsa etenim claro DOCTORUM stemmate nata,
Egregiè illustrat stemma, decusq; tuum.

Vel patrem, vel avum Sponsæ si mente revolvas,
JC^{tus} summus uterq; cluet.

Nec multis opus est verbis, testantur abundè

Clara WITENBERGAE, clara lycea JENAE;
Queis legum nodos, queis torta volumina Juris
Perspicuâ explicuit mente WESENBECIUS.

Cujus utroq; satis doctrinam in jure stupendam
ITALUS extollit, durus IBERUS amat.

GALLIA cui nunquam reperit, peperitq;, nec AN-
GLI,

Nec GERMANA parem gens aluère virum.
Scripta COLERORUM quis nescit? Teutona tel-
Consiliis quorum sæpius usa fuit. (lus

Qui superât reliquos JURIS tantû arte PERITOS,
Astrorum quantum Lucifer ipse choros.

A 3

Sponse



Sponse tibi gaude, tibi plaude, & virgine tali
Exulta, illustrat quam bona fama patrum.
Quam Virtus ornat; quam summa Modestia,
Candor,
Simplicitas, Probitas cum Pietate beant.
Hanc tibi præ reliquis, fatis votisq; petitam
Connubio jungit, dat propriamq; **DEUS**.
Hanc reverenter habe; hanc complectere, dilige;
cordis
Ceu partē hanc Arte, hanc protege Marte tui.
Tu quoq; Sponsa tibi tali lætare marito,
Quem **DOCTORATUS** nobilitavit Honor.
Propria quē Virtus, quem propria facta per orbem
Illustrem famā, nominibusq; ferunt.
Qui mores hominum multorum vidit, & urbes;
Qui rediit linguis cultus, & arte domum.
ITALIA quem tellus, quem **GALLIA**, & **AN-**
GLIA, **BELGAE**,
HISPANIQ; suis jus docuere scholis.
Quem Ducis **ASCANIAE** recreat Clementia,
passum
Multa pericla solo, multa pericla salo.
O par compositum bene! claro stemmate clari
Ducitur in thalamum nata puella viri.
Quis dubitet nasci **DOCTORES** hisce maritis?
Qui Matris decorent stemmata, quiq; Patris.
Qua

Qualis enim mater, talis quoq; filia; qualis
Est genitor, talis filius esse solet.

Sic bonus & fortis forti de gente creatur;

In sobolem virtus sic cadit ipsa patrum.

Sic nunquam imbelles aquilæ peperere columbas;

Sic nunquam lepores gignit, alitq; leo.

*Horat. lib. 4.
carm. od. 4.*

VOs ergo obscuro generis, famæq; puellæ

Cum malè quæsitis hinc procul este bonis.

Sunt aliæ, ingenui quas ducunt, scilicet istæ,

Quas Honor, & Pietas, Simplicitasq; probant.

Quas animi Candor, Gravitas, Virtusq; sequuntur;

Quas bona commendat fama, decusq; patrum.

Hic amor, hic requies, Deus hic virtute paratas

Fœcundat tēdas, divitiisq; beat.

Ingenuam ingenuus, famulam petit ipse minister;

Sic similis simili gaudet ubiq; toro.

Pastor Pastoris, Pistoris Pignora Pistor,

Pictoris Pictor Progeniemq; Perit.

Sartor sartorem, sutorem futor, arator

Agricolam, nautam navita vuult socerum.

Ex figulo figulis, ex fabri sanguine fabris,

Ex Medico Medicis nata puella placet.

Astrologi Astrologus, Comitibus Comes, ipseq; Prin-

ceps

Principis, & Regis Rex gener esse cupit.

Obid. Pont. 2.

5.

Sic



Sic etiã DOCTOR DOCTORIS ducere gnata,
Sic similem sociam gaudet habere tori.
Filia DOCTORIS, DOCTORIS adauget Ho-
nores,

a) Plaut Aul.
Laert. l. i. c. 4.
Plut. in apoph.
Lacænarum.
b) Proverb. c. 22
v. 1. Eccles. c. 7.
v. 2. Syrac. c. 41.
v. 15. Plaut.
Amph.
c) Thales Mi-
les. Hor. carm.
l. 3. od. 2. Sic.
Ital. l. 15. Virg.
6. en. Euripid.
in Androm.
d) Matth. c. 6.
v. 19.
e) Syrac. c. 41. v.
16. Periand.
Corinth.
f) Hor. 3. carm.
24.
g) Bias unus ex
sapiens. per An-
son. Plautus
Amph. act. 2.
Plut. in d.
apoph. Lacæna.
h) Syrac. c. 26.
v. 18. & seq.
i) Syrac. c. eod.
v. 3.
k) Syr. c. 7. v. 21.
l) Prov. c. 31. v.
10. & seqq. Sy-
rac. c. 26. v. 19.
& seqq.

Stemmata cum Titulis splendidiora facit.
Nec spernenda tamen, licet indotata veniret;
SAT DOTATA VENIT, SI SAT HO-
NESTA VENIT. (a)
Namq; Honor & Virtus, omni pretiosior auro, (b)
Dignum laude virum morte perire vetant. (c)
Aurum surripiunt fures, (d) domus uritur ingens;
Ast Honor & Virtus tēpus in omne manent. (e)
Nec dos vera, rudis populus quam jactitat, illa est;
Dos vera est Virtus; (f) dos Honor, atq; Pudor. (g)
Dos vera est Pietas; dos est bona fama parentum;
Dos timor ipse Dei; dos timor ipse Viri.
Dos mens casta est; dos mens sana in corpore sano;
Dos Pax; dos casti fœdera casta tori.
Quis fictis veras dotes non præferat? illas
Impius acquirit; dat DEVS hæc piis.
Unde licet multis opibus cumuletur avarus;
Nil Virtute tamen, nil & Honore valet.
Sic licet in terris prostent pretio omnia; castam
AERE tamen Costam nemo parare potest. (h)
Casta Viro, DOMINŭ venerãti ducitur, (i) auro (k)
Quæ longè, & cunctis anteferenda bonis. (l)
Ipsa

Ipsa etenim, DOMINI DONUM, (a) bene pe-
ctora mulcet, (b)

Cum mala, (c) quæ POENA est, maceret Herba,
Viri. (d)

O nimum felix, ex omni parte beatus,
Cui thalami sociam fata dedere bonam! (e)

O nimum infelix, ex nullâ parte beatus,
Cui thalami sociam fata dedere malam! (f)

INducendo igitur sis cautus, eris quoq; pastor,
Vel pistor, coctor vel quoq; Doctor eris;
Si faustam lecti sociam cupis, ecce! puellam
Junge parem, (g) socerum selige in arte parẽ. (h)
Nec gazas, nec opes, (i) sed HONESTAM respice
mentem, (k)

Cum PIETATE, dabit cetera cuncta Deus. (l)

Gazæ dant odium, contemptum, jurgia, rixas; (m)
Doteq; Libertas venditur ipsa Viri. (n)

Sed Virtus, sed Honor, miti clementior agno,
Bina, tori vinclo, pectora Pace ligant.

Tû PIETAS, cunctis quæ dicitur UTILIS, (o) affert,
Gaudia multa Soli, gaudia multa Poli.

Qui sine dante DEO ducit cum dote puellam,
Is cum dote brevi tempore pauper erit.

Qui cum dante DEO ducit sine dote puellam,
Is sine dote brevi tempore dives erit.

B

Sic

a) *Prob. c. 1. v. 14*
Syr. c. eod. v. 3.
Et 17.

b) *Prob. c. 18 v.*
22. c. 31. v. 11. Et
12. Syr. eod. c. v.
2. 4. Et 16. c. 36.
v. 24.

c) *Prob. c. 19. v.*
13. c. 21. v. 9. Et
19. c. 25. v. 24.
Syr. c. 25. v. 23.
Et seqq.

d) *Syr. eod. c. v.*
31. 32. c. 26. v. 10.

e) *Syr. d. c. 25. v.*
11. Et c. 26. v. 1.
Euripid. He-
siod. in oper.

f) *Syr. c. 25. v.*
23. Et seqq.

g) *Pitac. Myti.*
Solon Atheni-
ens. Ovid. epist.
Deianire ad
Hercul.

h) *Syr. c. 13. v. 20*

i) *Matth. c. 6.*
v. 19. Cato lib. 3.

dist. mor.

k) *Plut. in Lac.*

l) *Matth. eod.*
c. 6. 33. Luc. c.
12. v. 31.

m) *Syr. c. 25. v.*
29. Et 30.

n) *Plaut. Afin.*
Et Aul. Fran-
cif. Petarcha
de optima do-
te dialog. 68.

Nicostrat. de
Nupt. Iuvenal.
satyr. 6.

o) *1. Tim 4. v. 8.*

Sic MALE, qui Domino diffidit, DICITUR ille;
Irus & est subitò, qui modò Cræsus erat.

Psalms. 128. v. 4. Sic BENE, qui Domino confidit, DICITUR ille,
Cræsus & est subitò, qui miser Irus erat.

Qui verò eximiam Genere, ac Virtute puellam
Corde, Dei jussu, non sine dote petit;

Ille, velut noster Sponsus, faustissimus; ille
Dives & ante homines; dives & ante Deum.

Si sapias, ut pestem, magnâ fuge dote puellas,
Quæ Virtute carent; quæ Pietate carent.

Inq; Deum sperans, supplex pia Numina posce,
Ut tibi contingat fœmina mente piâ.

Nam cû dote malè, bona corpore, menteq; præstat;
Quæ sine dote, tamen cum Pietate venit.

Impia amat nummos, Satanamq; in pectore gestat;
Spernit & ipsa Virum; spernit & ipsa Deum.

Sed pia amat Verbum, CHRISTUMq; in pectore
gestat,

Curat & ipsa Deum; curat & ipsa Virum.

Impius hîc instans, qui non pia pectora Sponsæ,
Sed tantùm dotem, quâ bene vivit, amat;
Multa refers, inquit, mihi de Virtute, & Honore;
De Pietate refers; deq; Pudore refers.

Quid, quæso, Pietas, quid Honor, quid maxima Viri
Quid mēs casta, Pudor, Famaq; corp9 alunt? (tus,
Census

Census alit; census ditat; dat census honores;
Dives ubiq; placet; pauper ubiq; jacet.
Temporibus nostris quærenda PECUNIA pri-
mum;

Gloria post nummos absq; labore venit.
Nil valet Ars, nil Mars, nil Gloria; maxima Virtus,
Si nihil attulerit, stabit & ipsa foris.
Nil juvat ad Gallos, Hispanos currere, & Anglos;
Mores & linguas nil didicisse juvat.
Optimus est dives, quamvis sit bestia; quamvis,
Ut claudus sutor, manserit usq; domi.
Ipse valet solus; solus præfertur & ipse
Omnibus; ipse Fori sceptrum tenere potest.

O piger! ingenuum piget, & pudet ista profari;
Corpus alit, vestit cum Pietate (a) Labor. (b)
Qui pius est, minimè curat, quâ veste tegatur;
Unde cibi veniant; undeq; sumat opes. (c)
Talia curârunt insano pectore gentes, (d)
Quas latuit, Domini se bonitate regi.
Ipse Deus, volucres qui pascit, (e) singula novit,
Qualibus indigeant corpora nostra bonis. (f)
Si tibi res angusta domi est, ORA, (g) atq; LABO-
Fide Deo fido pectore, dives eris. (i) (R. A. (h))

*1. Cor. 4. v. 12. Ephes. c. 4. v. 28. 1. Thess. 20. v. 9. 2. Thess. 3. v. 8. & 12.
1. Pet. 5. v. 13. Prob. c. 10. v. 22. c. 15. v. 6. Syr. c. 1. v. 20. c. 32. v. 27. & 28. Phil. c. 4. v. 6. 1. Tim. 6. v. 17.
& 18. 1. Pet. 5. v. 7.*

B 2

Nam

*a) Gen. c. 26. v. 3. 12. & 13. c. 30. v. 27. Deut. c. 8. v. 17. & 18.
b) Prob. c. 13. v. 11. c. 13. v. 4. c. 14. v. 23. c. 28. v. 19. Syr. cap. 20. v. 30.
c) Matth. c. 6. v. 25. & 31. Luc. c. 12. v. 22. & 29.
d) Matth. eod. c. 6. v. 32. Luc. eod. c. 6. v. 30.
e) Matth. eod. c. 6. v. 26. Luc. eod. c. 6. v. 24.
f) Matth. eod. c. 6. v. 32. Luc. eod. c. 6. v. 30.
g) Matth. c. 7. v. 9. & 8. Luc. 11. v. 9. & 10. c. 18. v. 1. Joh. c. 14. v. 13. Act. c. 10. v. 2. Rom. 12. v. 12. Ephes. c. 6. v. 18. Colos. c. 4. v. 2. Thes. c. 5. v. 17.
h.) Gē. c. 3. v. 17. & 18. Exod. c. 20. v. 19. & 23. v. 12. c. 31. v. 15. c. 34. v. 21. & c. 35. v. 2. Lev. c. 23. v. 3. Deut. 5. v. 13. Prob. c. 6. v. 6. & seqq. c. 10. v. 4. c. 12. v. 24. c. 20. v. 4. Tob. c. 3. v. 19. Syr. c. 24. v. 27. c. 31. v. 27.*



Nam Deus hunc opib. multis, & honorib. auget (a)
 Qui firmâ peragit vota, precesq; Fide. (b)
INGENUOS nutrit manuû **LABOR** improbus,
 (c) Uxor
NOTE suâ **PIGRUM** pascit, alitq; Virum. (d)
 Astris Astrologus, rastris se pascit arator, (e)
 Miles Marte calet; Doctor & Arte valet.
 Ars hominis vitam non deserit, (f) arte politos
 Ars alit; ars ditat, prosperat; arsq; beat.
 In nullâ Juris Doctores vivere, nullâ
 Paupertate mori sacra Novella docet. (g)
 Desine nunc garrere piger, qui spernis honores;
 Artem qui spernis, spernis & omne Decus.
 Primû corde tuo **PIETATEM** quærito, (h) primû
VIRTUTEM; gratis cetera cuncta tenes. (i)
 Virtus nobilitat; Virtus parat omnia; Virtus
 Vivida quenq; pium post sua fata manet. (k)
 Ingenium ingeniis, animis animum, artibus artes,
 Moribus & mores composuisse juvat.
 Itali & Hispani, Galli, Belgæq; superbos
PRINCIPIBUS mores commemorare juvat.
 Externas linguas, monumentaq; prisca Sophorum,
 Pontificum nugas, somnia nosse juvat.
 Qui valet Arte, valet Marte, & Virtute, & Honore,
NOBILIS est, (l) quamvis villâ, opibusq; caret.

a) Ps. 112. v. 3.
 b) Ps. 145. v. 18.
 c) Ps. 128. v. 2.
 Att. c. 18. v. 3.
 20. v. 34. 1. Cor.
 4. v. 12. 1. Theff.
 2. v. 9. 2. Theff. 3.
 v. 8. & 12.
 d) Fræcis. Pe-
 trarch. d. Dia-
 log. 68. de opt.
 dote.
 e) Gen. c. 3 v. 17
 & 18. c. 26. v. 12.
 Prob. c. 12. v. 11.
 & c. 28. v. 19.
 Syr. c. 20. v. 30.
 1. Cor. 9. v. 7. &
 10.
 f) Cato li. 1. &
 4. dist. mor.
 g) Nob. 1. in fin.
 h) Perian. Co-
 rinth. Pitac.
 Mytilæus.
 i) Matth. c. 6. v.
 33. Luc. c. 12. v.
 31.
 k) Syr. c. 41. v.
 16. Horat.
 l) Chrysof. in
 Matth. fdem.
 hom. 5. Berna.
 ad Eugenium
 Cass. epist. li. 9.
 epist. 8. Plaut.
 in Merc. Me-
 mand. Juben.
 sat. 8. Amant.
 ad Raimundū
 Fuggerum, Co-

drus Urceol. in epigr. Eurip. in Diçye. Idem in Alexand. Idem in Ino. Altydamus
 Tragicus Atheniens. Cic. lib. 5. de Repub. c. 1. Idem in orat. contra Salust. Idem in epist.
 44. ad Lucil. Demosth. 1. Olynth. Plut. in lib. contra nobil. Phalar. in epist. ad Axiochum.
 Platina



Platina de verâ nobilitate. Æn. Sylu. in hist. Cancredi Stob. serm. 84. Laert. lib. 6. Max. serm. 63. Plut. in apoph. Roman. Panorm. l. 2. de rebus gestis Alphonsi Gregor. Nissen. apud Anton. Monach. in Melissa. Poggius Florentin. lib. de Nobilit. Erasmi. Roterod. in simil.

Qui rudis est asinus, porcus, fera bestia, talis
Est, & erit, quamvis mille talenta tenet.

Quàm bene chorda lyra resonat, cùm tardus asel-
lus,

Qui fidibus nescit ludere, plectra regit:
Tàm bene curatur Respub. tàm bene floret

Patria, cùm INDOCTI sceptrâ regenda te-
nent.

Nullus amet viduas; in virgine vivit amator;
In vetulâ moritur quippe misellus homo.
Nam sibi dum talé lucrispe jungit ad annû,
Hæc si ultra vivat, tristitiâ ille perit.

**SIC SCELERATUS AMOR MULTOS
DECEPIT HABENDI,
IN DOMINUM QUI NON SPEM
POSUERE SUAM!**

Si quis deceptus vanâ spe terq; quaterq;
Virginis à stolidæ fœdere pulsus abit;
Hoc minimè curet, **FACILIS JACTURA
PUELLAE;**
Si non Lisa venit, Nisa, vel Anna venit.

B 3

Quæ

Demonast. apud Anton. in Melissa. part. 1. serm. 70. & Stob. serm. 2.

Hug. in didasc. lib. 2. Polyb. li. 12. Histor. Plutarch. in apoph. regum & Imper. Aristotel. lib. 2. Rhetor. Idem lib. 1. de Legib. Idem ad Q. Fratrem Erasmi. lib. 3. apoph. Laert. li. 6. c. 1. Xiphilin. Dionis abbreviator in Augusto.



*Old. 2. Art.
Propert. 2. 33.
Francis. Pe-
trarch. de uxore
formosa
dialog. 66.*

*Philippides
Eupid. in Al-
cest.*

*Matth. c. 6. v.
33. Luc. c. 12. v.
31.*

Quæ si non forma, Virtute & Honore probatur,
Forma perit subitò; Mens sed honesta manet.

Ex animi voto si non bene ducere possit,
Uxorem nullam, si sapit ipse, petat.

Est multò melius contemnere conjugis usum,

Quàm sociæ injustæ iussa ferenda sequi.

AD te nunc redeo CLARISSIME SPONSE,
beatum

Conjuge quem tali nostra Thalia canit.

En! genus, en! proavos, clarorum stemma parentū,

Non bona, prima tibi quærere cura fuit.

En! genere, en! proavis, clarorum stemmate pa-
trum,

En! consorte piâ, divitiisq; vales.

Qui primùm quærit Pietatem, quærit Honores,

Huic & opes reliquas adjicit ipse DEUS.

Es nimiùm felix; es terq; quaterq; beatus;

Dum tibi fata ferunt, quod pia vota volunt.

Nostra tui exemplum thalami si Musa sequatur,

Ductor conjugii, Doctòr in arte clues.

Vive, valeq; diu suavi cum conjuge; semper

Candida Pax vobis adsit, & absit Eris.

Tot numeres annos, superes tot secla; quot urbes

GALLIA, quot turres ITALIA terra tenet.

Jam

Jam pueri faciunt pueros, socialia lecti
Ante Alpha & Beta dum malè vincla petunt.
(Parce Puer Pueros Paruos Protrudere Parue!

Parua Puer Profert Pignora, Parce Puer.)

Incipe tu paruos Mundo procludere mundos,
Qui tua, qui Mundi facta, decusq; canant.

(Major Majores Majori Momine Massas
Molitur Mundi, Munera Magna Mora.)

Sic WESENBECHII nomen, sic stemma COLERI,
HERDESIANORUM sic domus usq; vigent.



A L I U D.

Virum quæ faciunt beatiorem,
Fucundissime *CYRIACE* sunt hæc:
Virtus cum Pietate, mens quieta,
Delicti agnitio, suiq; cordis
Pavor, salvifica Fides Salutis.
Artes ingenue, salubre corpus,
Victus sufficiens, torus repletus
Liberis, populi favor, per orbem
Sparsa fama, pudica, casta, simplex,
Prudens fœmina, quæ suum maritum,
Non viros alios amans, bene audit.
Virum quæ faciunt beatiorem
Fucundissime *CYRIACE* sunt hæc.

F I N I S.

Antomada 19
immaturis nu-
ptiis quando
pueri procre-
ant liberos, qui
sunt, legat a-
pud Aristot. li.
7. Polit. c. 16.
De tempore o-
ptimo ducendæ
uxorē leg. He-
siod. Item Pier.
Val. 37. p. 359.
B.



*Id 4212.
8.*


ULB Halle 3
002 391 589



So

Me
1017







98

AMIA

RO, I. V. D. & P. L.
NUP TIARUM

altissimi Viri,

CIHER-

N AVLA SER-

idemq; in illustri

ntistitis, SPONSI,
ON

e, atq; Piæ Virginis,

T H Æ,

. celeberrimi p. m.

filia,

becii JC. excellen-

is, SPONSAE,

no 1616. celebratarum,

tatem & amicitiam suam

so primùm in hoc illustri Sora-

ta in antiquissimâ & celeberrimâ

tidianâ conversatione seriò con-

im uterq; ex Italiâ, Galliâ, Portu-

â, Zeelandiâ, Flandriâ, Brabantiâ,

tæ discrimine per mare per terras

lementiâ, non sine laude in patri-

is reversus fuisset, in omnem

n animitus renovavit,

ergò scripta.

Dôrfferi, ANNO

es age 1616. ages.

MDCXVI

